



Bosnia and Herzegovina  
Federation of Bosnia and Herzegovina

CANTON SARAJEVO  
Government

Bosna i Hercegovina  
Federacija Bosne i Hercegovine  
KANTON SARAJEVO  
Vlada


PRIMLJENO	20-12-2019		
Organizaciona jedinica	Sluzba za zaposljavanje	Statistika	
9/01-34-4633/19			

Broj: 02-05-43790-25/19  
Sarajevo, 19.12.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", br: 4/04, 29/09 i 18/13) Vlada Kantona Sarajevo na 52. sjednici održanoj 19.12.2019. godine, donijela je sljedeći

## ZAKLJUČAK

1. Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini, koji je sastavni dio ovog Zaključka.
2. Za realizaciju Programa iz tačke 1. ovog Zaključka zadužuje se Javna ustanova „Služba za zapošljavanje Kantona Sarajevo“ Sarajevo.




PREMIJER

Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Ministarstvo za rad, socijalnu politiku, raseljena lica i izbjeglice Kantona Sarajevo
5. Ministarstvo privrede Kantona Sarajevo
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
7. Evidencija
8. Arhiva





Bosnia and Herzegovina  
Federation of Bosnia and Herzegovina

**CANTON SARAJEVO**  
**Government**

Broj: 02-05-43790-25.1/19

Sarajevo, 19.12.2019. godine

Na osnovu člana 4. stav (1), a u vezi čl. 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javna ustanova "Služba za zapošljavanje Kantona Sarajevo" Sarajevo, Vlada Kantona Sarajevo je na **52. sjednici održanoj 19.12.2019. godine u t v r d i l a:**

**PROGRAM**

**o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini**

**Član 1.**

U Programu mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini broj: 02-05-10571-17.1/19, utvrđen Zaključkom Vlade Kantona Sarajevo broj: 02-05-10571-17/19 od 21.03.2019.godine i broj: 02-05-33857-5.1/19, utvrđen Zaključkom Vlade Kantona Sarajevo broj: 02-05-33857-5.1/19 od 19.09.2019.godine, član 2. mjenja se i glasi:

**Član 2.**

Pojedinačne podsticajne mjere koje se realizuju u 2019. godini su:

**a) Programi u realizaciji:**

1. Program javnih radova;
2. Program sufinansiranja zapošljavanja „Posao za sve“;
3. Program obuke, dokvalifikacije i prekvalifikacije nezaposlenih osoba za poznatog poslodavca;
4. Program sufinansiranja „Razvoj preduzetništva i podrška pokretanju novih start up kompanija na području Kantona Sarajevo“ – UNDP (Razvojni program Ujedinjenih nacija u BiH);“
5. Program javnih radova PLUS;
6. Program sufinansiranja samozapošljavanja osoba do 35 godina života;

**b) Novi programi:**

1. Programi sufinansiranja za šehidske porodice i porodice poginulih branilaca:
  - a) Program sufinansiranja zapošljavanja šehidskih porodica i porodica poginulih branilaca,
  - b) Program sufinansiranja samozapošljavanja šehidskih porodica i porodica poginulih branilaca,
2. Program sufinansiranja zapošljavanja pripravnika sa VSS i VŠS;
3. Program sufinansiranja samozapošljavanja;
4. Program obuke, dokvalifikacije i prekvalifikacije nezaposlenih osoba;
5. Program osposobljavanja učitelja za rad u predškolskim ustanovama;
6. Program sufinansiranja zapošljavanja „50+“;
7. Program sufinansiranja zapošljavanja medicinskog i nemedicinskog kadra u zdravstvene ustanove.

**Član 2.**

**Član 3. Mjenja se i glasi:**

**„Član 3.**

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) u iznosu od 17.279.253,00 KM i ista se raspoređuju na pojedinačne podsticajne mjere na slijedeći način:

**a) Programi u realizaciji:**

1. Program javnih radova – 1.059.600,00 KM za 600 nezaposlenih osoba;
2. Program sufinansiranja zapošljavanja „Posao za sve“ – 3.691.200,00 KM za 497 nezaposlenih osoba;
3. Program obuke, dokvalifikacije i prekvalifikacije nezaposlenih osoba za poznatog poslodavca – 257.120,00 KM za najmanje 64 nezaposlene osobe;
4. Program sufinansiranja „Razvoj preduzetništva i podrška pokretanju novih start up kompanija na području Kantona Sarajevo“ – UNDP (Razvojni program Ujedinjenih nacija u BiH) – 396.000,00 KM za 55 nezaposlenih osoba.“
5. Program javnih radova PLUS– 693.800,00 KM za 392 nezaposlene osobe;
6. Program sufinansiranja samozapošljavanja osoba do 35 godina života – 400.000,00 KM za 20 osoba;

**b) Novi program:**

1. Programi sufinansiranja za šehidske porodice i porodice poginulih branilaca – 3.460.000,00 KM za 350 osoba iz ciljne skupine i to:
  - a) Program sufinansiranja zapošljavanja šehidskih porodica i porodica poginulih branilaca – 2.880.000,00 KM za 300 osoba iz ciljne skupine,
  - b) Program sufinansiranja samozapošljavanja šehidskih porodica i porodica poginulih branilaca – 580.000,00 KM za 50 osoba iz ciljne skupine,

2. Program sufinansiranja zapošljavanja pripravnika sa VSS i VŠS – 1.440.000,00 KM za 150 pripravnika sa VSS i VŠS;
3. Program sufinansiranja samozapošljavanja – 2.695.600,00 KM za 293 osobe;
4. Program obuke, dokvalifikacije i prekvalifikacije nezaposlenih osoba – 341.933,00 KM za najmanje 113 osoba;
5. Program osposobljavanja učitelja za rad u predškolskim ustanovama – 36.000,00 za 18 osoba iz ciljne kategorije;
6. Program sufinansiranja zapošljavanja „50+“ – 2.304.000,00 KM za 240 osoba iz ciljne skupine;
7. Program sufinansiranja zapošljavanja medicinskog i nemedicinskog kadra u zdravstvene ustanove – 504.000,00 KM za 35 osoba;

### **Član 3.**

Iza člana 7c. dodaje se članovi 7d., 7e., 7f., 7g., 7h., 7i ., i 7j., i glase:

#### **„Član 7d.**

#### ***PROGRAMI SUFINANSIRANJA ZA ŠEHIDSKE PORODICE I PORODICE POGINULIH BRANILACA***

- a) Program sufinansiranja zapošljavanja šehidskih porodica i porodica poginulih  
branilaca*
- 1) Program sufinansiranja zapošljavanja šehidskih porodica i porodica poginulih branilaca (u daljem tekstu: Program) realizuje se zapošljavanjem nezaposlenih osoba koje imaju status šehidske porodice i porodice poginulih branilaca kod poslodavaca sa područja Kantona Sarajevo.
  - 2) Cilj Programa je kraće trajanje nezaposlenosti članova šehidskih porodica i porodica poginulih branilaca.
  - 3) U Programu pravo učešće imaju nezaposlene osobe sa statusom šehidske porodice i porodice poginulih branilaca (roditelji, bračni partner i djeca), prijavljeni na evidenciju nezaposlenih u Kantonu Sarajevo.
  - 4) Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
  - 5) Poslodavci koji žele učestvovati u Programu dužni su:
    1. podnijeti aplikaciju u roku predviđenom u javnom pozivu,
    2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifru budžetskog korisnika), sve u originalu ili ovjerenoj fotokopiji,

- 6) Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
  - 7) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokolu Službe.
  - 8) Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.
  - 9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
  - 10) Poslodavcu se neće sufinansirati zapošljavanje osoba koje je otpustio u posljednjih 12 mjeseci od dana objave javnog poziva za ovaj program.  
Izuzetno, odredbe stavova (9) i (10) ovog člana, ne odnose se na poslodavce iz javnog sektora.
  - 11) Poslodavci zadržavaju pravo da zaposle osobu iz ciljne kategorije odmah nakon podnošenja aplikacije.
  - 12) Odobravanje aplikacija koje ispunjavaju uslove Programa vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.
  - 13) Ugovorom iz stava (13) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
  - 14) Rok za realizaciju Programa je 15 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.
- b) *Program sufinansiranja samozapošljavanja šehidskih porodica i porodica poginulih branilaca*
- 1) Program sufinansiranja samozapošljavanja šehidskih porodica i porodica poginulih branilaca (u daljem tekstu: Program) realizuje se njihovim samozapošljavanjem, odnosno pokretanjem samostalne djelatnosti.
  - 2) Cilj Programa je kraće trajanje nezaposlenosti članova šehidskih porodica i porodica poginulih branilaca i stimulisanje njihovog samozapošljavanja.

- 3) U Programu pravo učešće imaju nezaposlene osobe sa statusom šehidske porodice i porodice poginulih branilaca (roditelji, bračni partner i djeca), prijavljeni na evidenciju nezaposlenih u Kantonu Sarajevo, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- 4) Služba će osobama iz ciljne skupine koje budu obuhvaćene ovim programom i registruju samostalnu djelatnost, na ime troškova registracije, nabavke repromaterijala, mašina, alata, opreme i slično, doznačiti sredstva u iznosu od 2.000,00 KM, te mjesečno, u trajanju od 12 mjeseci, refundirati sredstva u ukupnom iznosu od 800,00 KM, za isplatu plaća i uplatu zakonom propisanih poreza i doprinosa, te drugih režijskih troškova.
- 5) Programom se neće sufinansirati osnivanje udruženja i fondacija kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- 6) Nezaposlene osobe iz ciljne skupine koje žele učestvovati u ovom programu dužne su podnijeti:
  1. Aplikaciju na propisanom obrascu sa navedenim osnovnim elementima samozapošljavanja;
  2. Izjavu ovjerenu kod općinskog organa ili notara, a koja je sastavni dio aplikacije;
  3. Obaveznu formu poslovnog projekta, propisanu od strane Službe.
- 7) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redoslijedu zaprimanja na protokolu Službe.
- 8) Sve nezaposlene osobe iz ciljne skupine kojima bude odobrena sredstva za učešće u Programu, dužne su pohađati radionicu „Obuka za poduzetništvo“ koju organizuje i provodi Služba, a što će se regulisati ugovorom iz narednog stava.
- 9) Odobravanje aplikacija koje ispunjavaju uslove Programa vrši se po vremenu i redoslijedu zaprimanja na protokolu Službe i na osnovu toga utvrđuje se prijedlog liste nezaposlenih osoba iz ciljne skupine za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba iz ciljne skupine, direktor Službe zaključuje ugovore sa aplikantima čije aplikacije za učešće u Programu su prihvaćene.
- 10) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.
- 11) Rok za realizaciju Programa je 18 mjeseci od dana usvajanja listi iz stava (9) ovog člana.

#### Član 7e.

#### *PROGRAMI SUFINANSIRANJA ZAPOŠLJAVANJA PRIPRAVNIKA SA VSS I VŠS*

- 1) Program sufinansiranja zapošljavanja pripravnika sa VSS i VŠS (u daljem tekstu: Program) realizuje se zapošljavanjem nezaposlenih osoba bez radnog iskustva u struci kod poslodavaca sa područja Kantona Sarajevo.

- 2) Cilj Programa je kraće trajanje nezaposlenosti osoba bez radnog iskustva.
- 3) U Programu pravo učešće imaju nezaposlene osobe sa VSS i VŠS, bez radnog iskustva u struci, prijavljene na evidenciju nezaposlenih u Kantonu Sarajevo.
- 4) Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- 5) Pripravnici medicinske struke VSS i VŠS po ovom Programu zapošljavaju se na period od 6 mjeseci i pripadaju im ista prava kao pripravnici iz stava (4) ovog člana.
- 6) Poslodavci koji žele učestvovati u Programu dužni su:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifru budžetskog korisnika), sve u originalu ili ovjerenj fotografiji.
- 7) Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
- 8) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redoslijedu zaprimanja na protokolu Službe.
- 9) Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljane skupine koje će se sufinansirati.
- 10) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
- 11) Izuzetno, odredbe stava (10) ovog člana, ne odnose se na poslodavce iz javnog sektora.
- 12) Poslodavci zadržavaju pravo da zaposle osobu iz ciljane kategorije odmah nakon podnošenja aplikacije.
- 13) Odobravanje aplikacija koje ispunjavaju uslove iz Programa vrši se po vremenu i redoslijedu zaprimanja na protokolu Službe i na osnovu toga utvrđuje se prijedlog liste

poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.

- 14) Ugovorom iz stava (13) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- 15) Rok za realizaciju Programa je 15 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.

#### Član 7f.

##### *PROGRAMI SUFINANSIRANJA SAMOZAPOŠLJAVANJA*

- 1) Program sufinansiranja samozapošljavanja nezaposlenih osoba (u daljem tekstu: Program) realizuje se samozapošljavanjem, odnosno pokretanjem samostalne djelatnosti.
- 2) Cilj Programa je kraće trajanje nezaposlenosti i stimulisanje samozapošljavanja.
- 3) U Programu pravo učešće imaju nezaposlene osobe, prijavljene na evidenciju nezaposlenih u Kantonu Sarajevo, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- 4) Služba će osobama iz ciljne skupine koji budu obuhvaćeni ovim programom i registruju samostalnu djelatnost, na ime troškova registracije, nabavke repromaterijala, mašina, alata, opreme i slično, doznačiti sredstva u iznosu od 2.000,00 KM, te mjesečno, u trajanju od 12 mjeseci, refundirati sredstva u ukupnom iznosu od 600,00 KM, za isplatu plaća i uplatu zakonom propisanih poreza i doprinosa, te drugih režijskih troškova.
- 5) Programom se neće sufinansirati osnivanje udruženja i fondacija kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- 6) Nezaposlene osobe iz ciljne skupine koje žele učestvovati u ovom programu dužne su podnijeti:
  - Aplikaciju na propisanom obrascu sa navedenim osnovnim elementima samozapošljavanja;
  - Izjavu ovjerenu kod općinskog organa ili notara, a koja je sastavni dio aplikacije
  - Obaveznu formu poslovnog projekta, propisanu od strane Službe.



- 7) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokol Službe.
- 8) Sve nezaposlene osobe kojima budu odobrena sredstva za učešće u Programu, dužne su pohađati radionicu „Obuka za poduzetništvo“ koju organizuje i provodi Služba, a što će se regulisati ugovorom iz narednog stava.
- 9) Odobravanje aplikacija koje ispunjavaju uslove iz Programa vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste nezaposlenih osoba za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba, direktor Službe zaključuje ugovore sa aplikantima čije aplikacije za učešće u Programu su prihvaćene.
- 10) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.
- 11) Rok za realizaciju Programa je 18 mjeseci od dana usvajanja listi iz stava (10) ovog člana.

#### Član 7g.

#### *PROGRAM OBUKE, DOKVALIFIKACIJE I PREKVALIFIKACIJE NEZAPOSLENIH OSOBA*

- (1) Program obuke, dokvalifikacije i prekvalifikacije nezaposlenih osoba (u daljem tekstu: Program obuke) realizuje se obukom, dokvalifikacijom i prekvalifikacijom nezaposlenih osoba sa evidencije nezaposlenih u Kantonu Sarajevo.
- (2) U smislu ovog programa:
  - Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe i može trajati do 3 mjeseca;
  - Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja i može trajati do 6 mjeseci;
  - Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće i može trajati do 12 mjeseci.
- (3) Obuka, dokvalifikacija i prekvalifikacija isključivo se može vršiti u ustanovama, centrima i drugim organizacijama koje su u skladu sa Zakonom o obrazovanju odraslih u Kantonu Sarajevo („Službene novine Kantona Sarajevo“, broj: 40/15), registrovani i upisani u Registar organizatora obrazovanja odraslih.
- (4) U cilju provođenja ovog programa Služba će za nezaposlene osobe po okončanju obuke, dokvalifikacije ili prekvalifikacije i dostavljanju dokaza o završetku istih (certifikata, svjedodžbe ili diplome) i fakture za plaćanje, direktno na račun izvođača obuke uplaćivati sredstva u iznosu do 3.000,00 KM.
- (5) Ako su troškovi obuke, dokvalifikacije ili prekvalifikacije veći od naznačenih iznosa u prethodnom stavu, isti padaju na teret nezaposlenih osoba.
- (6) Nezaposlene osobe koje žele da učestvuju u ovom programu dužne su podnijeti:
  - Aplikaciju za finansiranje/sufinansiranje obuke, dokvalifikacije i prekvalifikacije u roku predviđenim javnim pozivom,

- Plan i program obuke, dokvalifikacije ili prekvalifikacije ovlaštene ustanove, centra za obuku ili druge organizacije koje su registrovane za ovu vrstu djelatnosti,
  - Predračun troškova izvođača obuke, dokvalifikacije ili prekvalifikacije,
- (7) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokol Službe.
- (8) Odobravanje aplikacija koje ispunjavaju uslove iz Programa vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste nezaposlenih osoba za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba, direktor Službe zaključuje ugovore sa aplikantima čije aplikacije za učešće u Programu su prihvaćene.
- (9) Ugovorom iz stava (8) uređuju se prava i obaveze Službe i nezaposlene osobe.
- (10) Rok za realizaciju Programa obuke je 15 mjeseci od dana usvajanja listi iz stava (8) ovog člana.

#### Član 7h.

#### *PROGRAM OSPOSOBLJAVANJA UČITELJA ZA RAD U PREDŠKOLSKIM USTANOVAMA*

- 1) Program osposobljavanja učitelja za rad u predškolskim ustanovama (u daljem tekstu: Program) realizuje se osposobljavanjem nezaposlenih osoba za rad sa djecom predškolskog uzrasta.
- 2) Cilj Programa je obezbjeđenje kvalifikacione strukture radne snage.
- 3) Pravo učešća u Programu imaju osobe sa završenim studijem razredne nastave /bachelor, magistar, profesor/, s najmanje 240 ECTS bodova, prijavljene na evidenciju nezaposlenih u Kantonu Sarajevo.
- 4) Program se realizuje u skladu sa Neformalnim programom osposobljavanja učitelja za rad u predškolskim ustanovama koji je izradio Pedagoški fakultet Univerziteta u Sarajevu, a na osnovu Rješenja o ispunjenosti uvjeta za realizaciju Programa obrazovanja odraslih broj: 11/04-38-26121-2/19 od 26.08.2019.godine, a koje je donijelo Ministarstvo za obrazovanje, nauku i mlade Kantona Sarajevo.
- 5) Program traje jedan semestar (13 sedmica + 2 sedmice samostalne profesionalne prakse).
- 6) Javni poziv za ovaj Program objavio je Pedagoški fakultet Univerziteta u Sarajevu u saradnji sa Ministarstvom za obrazovanje, nauku i mlade Kantona Sarajevo, dana 14.09.2019.godine, te ispravku 30.09.2019.godine, a nastava po ovom Programu odpočela je 31.10.2019.godine.
- 7) Služba će po okončanju Programa, odnosno nakon što Pedagoški fakultet Univerziteta u Sarajevu dostavi spisak nezaposlenih osoba iz ciljne skupine koje su uspješno završile obuku i stekle zvanje Certificirani stručnjak sa stečenim kompetencijama u području predškolskog odgoja i obrazovanja, a po saglasnosti Upravnog odbora Službe, na račun fakulteta, uplatiti sredstva u visini 2.000,00 KM po jednom kandidatu.

- 8) Rok za realizaciju Programa je 6 mjeseci od dana objavljivanja javnog poziva.

Član 7i.

*PROGRAM SUFINANSIRANJA ZAPOŠLJAVANJA „50+“*

- 1) Program sufinansiranja zapošljavanja „50+“ (u daljem tekstu: Program) realizuje se zapošljavanjem nezaposlenih osoba koje imaju više od 50 godina života kod poslodavaca sa područja Kantona Sarajevo.
- 2) Cilj Programa je kraće trajanje nezaposlenosti osoba starijih od 50 godina života.
- 3) U Programu pravo učešće imaju nezaposlene osobe koje na dan objave javnog poziva imaju 50 ili više godina života, prijavljene na evidenciju nezaposlenih u Kantonu Sarajevo.
- 4) Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- 5) Poslodavci koji žele učestvovati u Programu dužni su:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifru budžetskog korisnika), sve u originalu ili ovjerenoj fotokopiji.
  - 6) Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
  - 7) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokolu Službe.
  - 8) Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.
  - 9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
  - 10) Poslodavcu se neće sufinansirati zapošljavanje osoba koje je otpustio u posljednjih 12

mjeseci od dana objave javnog poziva za ovaj program.

- 11) Izuzetno, odredbe stavova (9) i (10) ovog člana, ne odnose se na poslodavce iz javnog sektora.
- 12) Poslodavci zadržavaju pravo da zaposle osobu iz ciljne kategorije odmah nakon podnošenja aplikacije.
- 13) Odobravanje aplikacija koje ispunjavaju uslove iz Programa vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.
- 14) Ugovorom iz stava (13) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- 15) Rok za realizaciju Programa je 15 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.

#### Član 7j.

#### *PROGRAM SUFINANSIRANJA ZAPOSŁJAVANJA MEDICINSKOG I NEMEDICINSKOG KADRA U ZDRAVSTVENE USTANOVE*

- (1) Program sufinansiranja zapošljavanja medicinskog i nemedicinskog kadra u zdravstvene ustanove (u daljem tekstu: Program) realizuje se zapošljavanjem nezaposlenih osoba u zdravstvene ustanove sa područja Kantona Sarajevo.
- (2) Cilj Programa je obezbjeđenje potrebne kvalifikacione strukture radne snage.
- (3) U Programu pravo učešće imaju nezaposlene osobe, prijavljene na evidenciju nezaposlenih u Kantonu Sarajevo.
- (4) Služba će zdravstvenim ustanovama koje budu obuhvaćene ovim programom, mjesečno, 12 mjeseci, refundirati sredstva u ukupnom iznosu od 1.200,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- (5) Zdravstvene ustanove koje žele učestvovati u Programu dužne su:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine) i broj računa u

banci (ako je poslodavac budžetski korisnik šifru budžetskog korisnika), sve u originalu ili ovjerenoj fotokopiji.

- 1) Zdravstvene ustanove koje redovno ne izmiruju obaveze uplate javnih prihoda ne mogu učestvovati u Programu, osim u slučaju kad imaju potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
- 2) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokolu Službe.
- 3) Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.
- 4) Zdravstvene ustanove korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
- 5) Zdravstvenim ustanovama se neće sufinansirati zapošljavanje osoba koje je otpustio u posljednjih 12 mjeseci od dana objave javnog poziva za ovaj program.
- 6) Izuzetno, odredbe stavova (9) i (10) ovog člana, ne odnose se na zdravstvene ustanove iz javnog sektora.
- 7) Zdravstvene ustanove zadržavaju pravo da zaposle osobu iz ciljne kategorije odmah nakon podnošenja aplikacije.
- 8) Odobravanje aplikacija koje ispunjavaju uslove iz Programa vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste zdravstvenih ustanova za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.
- 9) Ugovorom iz stava (13) ovog člana uređuju se prava i obaveze Službe i zdravstvenih ustanova, pravo za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- 10) Rok za realizaciju Programa je 15 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.

#### **Član 4.**

U članu 7b. stav (3) mjenja se i glasi: „Nezaposlene osobe iz stava (2) ovog člana, moraju biti prijavljene na evidenciju nezaposlenih Službe.“

Stav (9) mijenja se i glasi: „Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.

Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokolu Službe.“

Stav (10) mijenja se i glasi: „Odobravanje aplikacija vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.

#### Član 5.

U članu 5. stav (4) mijenja se i glasi: „Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.


Stav (5) briše se.

Stav (7) mijenja se i glasi: „Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.

Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redosljedu zaprimanja na protokolu Službe.“

Stav (13) mijenja se i glasi: „Odobravanje aplikacija vrši se po vremenu i redosljedu zaprimanja na protokolu Službe i na osnovu toga utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.

Stav (14) mijenja se i glasi: „Ugovorom iz stava (13) ovog člana uređuju se prava i obaveze Službe i poslodavaca, pravo za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravljenja pomenutih troškova i dr.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1

